

## Leejtwg Thiaj Muaj Feem Cuam Tau Kev Pab Los Ntawm Txoj Cai WC?

Tshaj 98% ntawm cov neeg ua haujlwm yeej muaj feem cuam tau kev pab los ntawm txoj cai no thaum lawv pib ua huajlwm. Yog tias koj lub chaw haujlwm muaj coob tshaj peb leej neeg xwb ces koj yeej muaj feem cuam rau txoj cai no thiab. Hos yog koj lub chaw haujlwm muaj tsawg dua peb leej neeg, tiamsis ho them tshaj \$500 rov saud rau neeg haujlwm tauj peb lub hlis no ces lub chaw ntawd yuav tau npaj evsaslas WC kom tau ua ntej hnuv 10 ntawm lub hlis, uas yog tom qab lub caij peb lub hlis ntawd dhau.

Los lus tias “Chaw Haujlwm” no yog hais txog tasnrho cov chaw haujlwm uas tus kheej tsim, tseemfuv tsim, koom haum, haujlwm pab neeg pub dawb, haujlwm tsev neeg tsim, chaw haujlwm loj, lwm cov lagluam raws kev raws cai thiab tej txhia tswv khiav haujlwm, cov neeg txais haujlwm ntawm chaw haujlwm loj lossis cov txais haujlwm tauj ntxiv los ntawm lwm tus. Lo lus tias “Neeg ua haujlwm” no yog hais txog cov neeg ua haujlwm txwm xuabmoos ib hnuv lossis ib nrab hnuv xwb, nrog rau cov ua tej lub caij xwb lossis cov neeg ua haujlwm uas tseem tsis tau muaj hnuv nyoog txaus tibsi. Cov tsis suav txog ces yog cov mus ua haujlwm pub dawb xwb thiab cov ua haujlwm saib xyuas vaj tse. Cov neeg ua haujlwm rau liaj teb tsuas muaj feem cuam yog tias lawv ua rau daim teb uas muaj tshaj rau leej neeg tauj 20 hnuv twg nyob rau ib lub xyoos. Cov evsaslas rau neeg haujlwm no yuav tsum yog lub chaw haujlwm yuav tsum ua tus npaj. Yog koj ntseeg tau tias koj lub chaw haujlwm tsis muaj cov no tiamsis kom pom tias lawv yuav tsum muaj, lossis yog koj lub chaw haujlwm hais kom koj yuav tsum them nyiaj lossis yuav cov evsaslas no rau koj tus kheej, thov tiv tauj rau lub chaw muaj kev pab neeg haujlwm hu ua Worker’s Compensation Division.

## Txoj Cai No Pab Txog Cov Kev Raug Mob Zoo Licas Xwb?

Txoj cai no pab txog cov kev raug mob rau tus neeg lub xajmoom thiab lub cev tibsi uas yog raug mob tom chaw haujlwm lossis txoj haujlwm ua rau nws kawj mob. Yog koj ua haujlwm nyob rau tib lub chaw xwb, xws li ua nyob hauv lub tsev haujlwm loj, lub khw lossis hoobkas, feem ntau txoj cai no yuav muaj rau koj yog tias koj tus mob yog raug nyob tom chaw haujlwm kiag xwb. Yog tias koj txoj haujlwm yuav tau mus los rau ob peb lub chaw, tus cai no yuav pab txog koj rau thaum koj mus los tibsi, nrog rau lub sijhawm koj so noj mov lossis tsaug zog thiab. Nws tsuas tsis pab tau rau koj yog thaum koj ho siv lub sijhawm ntawd mus ua tejyam tsis yog haujlwm xws li ua tej yam rau koj tus kheej xwb.

Feem ntau, cov nyiaj pab neeg haujlwm uas raug mob no yuav tsum tau them rau koj tsis hais yog tim koj los tsis tim koj li. (Mus saib koog ntawv qhia txog seb cov nyiaj them no them ntau thiab tsawg yog raws li cas.)

Txhua cov nyiaj uas them mus rau kev kuaj thiab kho mob yog raws cov ntaub ntawv kuaj los ntawm tus kws kho mob. Yog koj tus kws kho mob tsis ua ntaub

ntawv kom raws sijhawm tsis tu ncu a mus rau koj lub chaw haujlwm lossis koj tus nai haujlwm (vim tej txhia neeg ua haujlwm rau tus kheej), koj cov nyiaj pab yuav raug ncu a cia. Koj yuav tsum qhia li no mus rau koj tus kws kho mob.

Yog tias lub chaw them nyiaj evsaslas tseem tsis tau them tuaj vim lawv tseem sojntsuam koj qhov teebmeem lawm no, lawv yuav tsum qhia rau koj paub li ntawd ua ntej 14 hnu b dhau tom qab lawv txais ntaub ntawv txog koj qhov kev raug mob. Yog lawv tsis txais koj cov ntaub ntawv tias raug mob no, lawv yuav tsum qhia tuaj rau koj tsis pub dhau 7 hnu b uas txiav txim tau ntawd thiab qhia rau koj tias koj muaj cuab kav mus hais txoj cai no lica s.

#### Kuv Xaiv Puas Tau Kuv Tus Kws Kho Mob?

Koj muaj cai xaiv koj tus kws kho mob, kws tig pobtxha, kws pab txog xajmoom kev xav, kws kho kotaw, kws kho hniav, tus pab kws kho mob, lossis ib tug kws kuaj mob kawm txuj siab uas muaj ntaub ntawv kawm tiav ua haujlwm nyob rau lub xeev. Yog koj tau kev tso cai los ntawm lub chaw haujlwm, lossis tau kev pom zoo los ntawm ib tug kws kho mob nyob lub xeev no ces koj thiaj yuav tau kev tso cai mus nrhiav ib tug kws kho mob uas tsis nyob hauv lub xeev. Yog tom qab ntawd, koj ho hloov mus rau ib tug kws kho mob tshiab no, koj yuav tau qhia rau koj lub chaw haujlwm lossis qhia rau lub chaw evsaslas paub.

Yog raug mob ceev, koj lub chaw haujlwm yuav nrhiav kev pab kho mob rau koj kom txog thaum koj taus zog los xaiv tus kws kho mob. Koj lub chaw haujlwm lossis chaw evsaslas muaj cai nrhiav ib tug kws kho mob los sojntsuam koj tus mob. Yog koj tsis kam lawv kuaj koj tus mob no yuav ua rau cov nyiaj pab ntawd nyob ncu a cia.

Koj muaj cai rau txhua hom kev kuaj mob uas tseem ceeb thiab yuav tsum tau los kho koj tus mob, tsuas koj tus kws kho mob pom zoo xwb. Cov kev kuaj mob no yog tasnrho tej yam xws li cov tsev kho mob, kev pab tus mob, kev ntsuam xyuas thiab nrhos tes taw yas rau tus neeg mob. Yuav muaj nyiaj pab them rau cov tshuaj thiab cov kev mus los uas yuav tsum muaj kom kho tau koj tus mob.

#### Leejtwg Them Cov Nqi Kho Mob?

Tus tswv ntawm qhov evsaslas lossis tus neeg ua haujlwm rau nws tus kheej yog tus yuav tsum them cov nqi kho mob thiab nqi kev mus los. Xa cov ntaub ntawv nqi kho mob mus rau koj lub chaw haujlwm lossis qhov chaw evsaslas. Yog koj twb tau them ib co nqi kho mob lawm, xa cov tw tshev them ntawd mus rau lub chaw haujlwm (yog koj ua haujlwm rau tus kheej) lossis lub chaw evsaslas kom lawv rov xa cov nyiaj tuaj rau koj.

Yog tus tswv tuav evsaslas los tus uas yuav evsaslas rau nws tus kheej pom tias cov kev kuaj mob thiab nqi mob ntawd tsis tseem ceeb thiab tsim nyog muaj, lawv yuav tsis kam them. Yog li no, koj yuav tau qhia mus rau qhov chaw evsaslas uas muaj feem cuam nrog qhov teebmeem no. Thaum qhov chaw

evsaslas tau txais cov ntaub ntawv txog qhov teebmeem tsis kam them cov nqi kho mob thiab kev kho mob, lub chaw evsaslas yuav tsis kom koj them cov nuj nqis. Yog koj tau txais cov nuj nqis no rau thaum tab tom muaj kev sib hais ces thov tiv tauj koj lub chaw evsaslas lossis yog koj muaj evsaslas rau tus kheej, tiv tauj koj lub chaw haujlwm.

### Cov Nyiaj Pab No Yog Them Licas?

Thaum koj tseem tab tom so kom tus mob zoo, koj yuav tau txais thaj tsam ib feem peb ntawm cov nyiaj haujlwm txhua limpiam mus kom txog tus nqi siab tshaj uas yuav them tawm tau nyob rau xyoo koj raug mob ntawd.

Cov nyiaj them yog xam raws rau hnuv ntawm ib limpiam uas ua haujlwm, xws li Hnuv lb mus txog Hnuv Rau, uas tsis hais seb qhov koj ua haujlwm tiag yog pestsawg hnuv li. Qhov no txhais tau tias cov nyiaj them txhua hnuv yog ib feem rau ntawm cov nyiaj them tawm txhua limpiam. Ib qho piv txwv yog xws li, yog tias koj tsuas muaj feem cuam tau nyiaj pab them peb hnuv xwb, koj yuav tau peb feem rau ntawm koj cov nyiaj tauj ib limpiam.

Lub hauv paus chaw saib xyuas hu ua Division yeej yuav saib txog tagrho cov nyiaj them tawm kom yog li yuav tsum muaj. Yog koj xav tias tus nqi nyiaj them tuaj rau koj tsis yog lawm no, thov tiv tuaj mus rau Division.

### Kuv Yuav Tau Txais Kuv Thawj Daim Tshev Thaum Twg?

Feem ntau, thawj cov nyiaj yuav tuaj los ntawm lub chaw evsaslas tsis pub dhau 14 hnuv tom qab hnuv koj tsis ua haujlwm lawm. Yog siv sijhawm ntev tshaj ntawd, tiv tauj koj lub chaw haujlwm lossis tus tuav cov evsaslas.

Yog koj cov nyiaj cia li tsis tuaj lawm, lossis koj muaj lwm yam teebmeem, tiv tauj koj lub chaw haujlwm lossis tus neeg tuav evsaslas seb qhov teebmeem yog dabtsi. Yog koj tseem xav tau kev pab tshaj ntawd thiab, tiv tauj qhov chaw haujlwm Division. Koj muaj cai pauv thiab sau npe rau cov tshev them rau kev raug mob ntawd uas tsis tas txhawj tias yuav poob koj cov cai uas koj muaj li.

### Muaj Kev Pab Dabtsi Rau Hom Mob Kho Tsis Tau Li Lawm?

Tom qab koj tus mob zoo li qhov zoo tau lawm, koj tus kws kho mob yuav txiav txim siab seb puas muaj tej yam dabtsi uas kho tsis tau lawm.

Rau tej yam mob uas ua rau koj tsis taus mus li lawm, koj yuav tau txais lwm yam kev pab ntxiv. Cov nyiaj them tuaj pab ntawd yog raws txhua hli, tsis yog ua tib teg them.

Seb yuav them raws pestsawg limpiam los yeej yog seb tus mob uas kho tsis tau ntawd yog dabtsi xws li tu ntiv tes, tu tes, tus caj npab, tu ceg, tu ko taw, dig

muaj, lossis lwm yam. Cov kev pab no yog them uake nrog cov thaum lub caij so kom tus mob zoo tibsi. Txawm yuav them li cas los yeej yog raws seb yam tu ntawd yog yam dabtsi xwb.

Yog tsis muaj dabtsi tu li, tiamsis ho mob heev lossis yam ntawd txav tsis taus los tsis muaj zog lawm, ces yuav them raws tsawg lub hlis mentsis. Piv txwv tias, yog mob lub xubpwg 10 feem pua ces yuav raug them 10 feem pua ntawm 500 lub limpiam, lossis them 50 limpiam.

Muaj tej hom kev mob kho tsis tau uas tau txais kev pab them txawv cov no thiab uas yuav txiav txim los ntawm kev xam seb cov nyiaj haujlwm yav pem suab yuav poob lawm ho ntau.

### Hos Yog Tias Muaj Kev Sib Hais Txog Kuv Cov Ntaub Ntawv Ne?

Yog muaj kev sib hais tsis haum ntawm koj cov ntaub ntawv los ntawm koj thiab lub chaw haujlwm lossis tus tuav cov evsaslas, uas siv kev sib tham los kho tsis tau no, koj muaj cai hais kom chaw haujlwm Division tuaj pab txiav txim muab kev ruaj ntseg los mloog nrog ib tug Kws Txiaiv Txim Cai Lijchoj thiab phua txim.

Koj muaj cai ua ntaub ntawv rau ib rooj txiav txim li no yog tias koj lub chaw haujlwm tsis xa koj cov ntaub ntawv raug mob tawm, lossis yog koj ntseeg tau tias koj muaj povthawj qhia tias koj yeej tsis tau txais tas cov kev pab koj yuav tsum tau txais tiag. Cov povthawj no yog xws li ntaub ntawv sau los ntawm ib tug kws kho mob, kws tig pobtxha, kws pab txog xajmoom kev xav, kws kho kotaw, kws kho hniav, tus pab kws kho mob, kws kuaj mob kawm txuj siab lossis kws phais neeg mob. Ib tug kws kho hniav, kws kho mob, lossis kws kuaj mob kawm txuj siab muaj cai sau ntaub ntawv txog seb lawv xav li cas txog ntawm tus mob thiab seb yuav kho licas tiamsis lawv tsis muaj cai sau txog tias koj tus mob yog vim haujlwm los tsis yog lossis seb tus mob ua rau koj tsis taus npaum li cas. Muab cov ntaub ntawv kho mob ntawd nrog rau daim ntawv xamphaj xa tuaj uake.

Koj yuav tsum tiv tauj koj lub chaw haujlwm thiab tus tuav cov evsaslas ua ntej xamphaj ntaub ntawv rau ib rooj txiav txim li no kom paub zoo tias qhov kev tham no yog txog dabtsi kiag.

Koj yuav tiv tauj tau cov ntaub ntawv xamphaj ib rooj txiav txim no los ntawm lub chaw haujlwm Division. Koj ho yuav tau txais ntaub ntawv sau tuaj qhia txog tias rooj txiav txim li no yuav mus li cas kiag.

### Yog Tias Kuv Ntiav Ib Tug Kws Lijchoj Ne?

Yog koj ntiav ib tug kws lijchoj rau ib rooj kev txiav txim no, tus kws lijchoj tsuas muaj cai sau nqi txog 20 feem pua ntawm cov nyiaj uas tus kws lijchoj hais yeej tau los rau koj xwb. Tsis tas li ntawd, koj yuav tau them cov nqi lijchoj ntawd tibsi.

Cov nqi yuav txiav tawm los ntawm koj cov nyiaj uas koj hais yeej. Lub koom haum kws lijchoj yuav muaj kev pab qhia seb leejtwg thiaj li keej txujci siab hais txog hom rooj txiav txim plaub ntug raug mob tom chaw haujlwm li no.

### Koom Siab Xaus Plaub Yog Dabtsi?

Tej zaum koj lub chaw haujlwm lossis lub chaw evsaslas yuav hais seb koj puas kam koom siab xauv rooj plaub. Kev koom siab xaus rooj plaub no yog thaum sau npe rau ib daim ntawv cog lus lossis hais nyob rau rooj txiav txim. Qhov no yog thaum ib leeg tuaj ib nrab kom sawv daws zoo siab.

Yog muaj ib rooj txiav txim sib hais rau cov nyiaj them qhov kev raug mob lossis sib hais seb qhov raug mob puas yog vim haujlwm tiag, koj thiab lub chaw evsaslas muaj cai txiav txim siab tias yuav koom siab xaus rooj sib hais los tau. Txhua rooj xaus li no yuav tsum tau kev pom zoo los ntawm chaw Division kom pom tau tias yeej ncaj ncees tiag. Ua ntej yuav sau npe rau ib daim ntawv xaus rooj sib hais no, tseem ceeb heev tias koj to taub cov kev pab uas yuav tsis muaj rau koj nyob yav tom ntej. Tom qab koj cog lus pom zoo xaus rooj txiav txim li no lawm, yuav nyuaj rau koj hloov raws kev raws cai. Feem ntau, koj yuav tsis tau txais dabtsi tshaj qhov uas hais muaj nyob rau rooj txiav txim uas sib koom siab xaus no.

### Yog Kuv Lub Chaw Haujlwm Tsis Rov Txais Kuv Ne?

Txoj cai no tsis tau cog lus li cas tias yuav rov tau haujlwm ua tom qab raug mob tas lawm, thiab lub chaw haujlwm tsis tas yuav tuav txoj haujlwm tos koj lossis tsim ib txog haujlwm tshiab rau koj li. Txawm li ntawd los, koj muaj cai txais nyiaj uas ntau li cov yuav them rau ib xyoos haujlwm yog tias lub chaw haujlwm “xwb tim cia li tsis kam” rov txais tus neeg ua haujlwm uas tau raug mob ntawd. Cov neeg ua haujlwm uas ntseeg tau tias lawv lub chaw haujlwm xwb tim tsis rov txais lawv tus yam tsis muaj dabtsi li no ces muaj cai xamphaj ib rooj txiav txim plaub ntug.

### Yog Tias Kuv Rov Mus Ua Tsis Taus Txoj Haujlwm Lawm Ne?

Tej txhia neeg haujlwm yuav rov mus ua tsis taus hom haujlwm qub uas lawv tau ua thaum tsis tau raug mob ntawd lawm. Tiv tauj nrog koj lub chaw haujlwm thiab koj tus kws kho mob seb koj puas yuav rov qab mus ntxov tiamsis mus rau tej hom haujlwm uas koj ua taus. Qhov no yuav pab koj rov qab nkag tau mus rau kev ua haujlwm kom tsis muaj teebmeem.

Yog koj tus kws kho mob lossis chaw haujlwm hais mentsis tias koj yuav rov mus rau txoj haujlwm qub tsis tau lawm no, koj tiv tauj tau rau tus tuav evsaslas kom mus tau rau tej lub chaw muaj kev pab kho kom koj rov mus taus haujlwm uas yog cov chaw me muaj ib tug tswv khiav lossis cov chaw tseem fww tsim rau pejxeemm. Ib qho chaw nov yog hu ua State Division of Vocational Rehabilitation (DVR), uas yeej muaj nyob thoob lub xeev no (saib hauv koj phau ntawv xovtooj

raws nqe lus tias State of Wisconsin, Department of Workforce Development). Yog muaj lus nug dabtsi txog koj cov ntaub ntawv raug mob tom chaw haujlwm no koj yuav tsum nug rau koj lub chaw haujlwm, tus tuav cov evsaslas, losis qhov chaw khiav ntaub ntawv Worker's Compensation Division. Yog xav paub ntau ntxiv no, hu mus rau WC Division ntawm (608) 266-1340.

Yog tom qab koj zoo lawm es koj ho tsis muaj ib txog haujlwm no (tsis hais rau tus mob me los mob kho tsis tau), koj xamphaj ntaub ntawv tau mus thov kev pab ntawm Unemployment Insurance los ntawm tus xovtooj 1-800-822-5246.

Tsis tas li ntawd, koj hais tau kom lawv xa ib daim hu ua "Kev Rov Qab Mus Ua Haujlwm" (WKC-7762-P) los ntawm koj lub chaw haujlwm lossis koj lub chaw haujlwm lub chaw evsaslas losis ntawm chaw muab kev pab Worker's Compensation Division. Lawv yuav muab tau cov ntaub ntawv no rau koj txog kev txhim kho kom rov mus haujlwm tau.

### Thaum Twg Thiaj Li Them Nyiaj Ntau Lossis Nyiaj Tsawg?

Yog lub chaw haujlwm tsis tau ua raws tseem fww txoj cai xam rau kev nyabxeeb es thiaj li muaj kev raug mob no ces lub chaw haujlwm yuav tau them 15 feem pua tshaj ntawm cov nyiaj yuav them, tiamsis tsis pub dhau \$15,000. Qhov no yog ib qho them tauj lwm yam uas yeej yuav tsum muaj lawm. Txawm tias yog tim tus neeg ua haujlwm tsis ceevfaj los yeej yuav tau them cov nyiaj no li.

Yog koj ntseeg tias koj yuav tsum tau txais qhov nyiaj nce no lawm vim koj lub chaw haujlwm tsis ua raws txoj cai kom muaj kev nyabxeeb no, koj xamphaj tau ntaub ntawv rau ib rooj txiav txim thiab yuav tau muaj tim khawv los qhia tias koj lub chaw haujlwm yeej txhaum tiag.

Yog tus neeg ua haujlwm ho yog tus ua tsis raws cov cai uas yeej tiv ntawv tawm tom chaw haujlwm, cov nyiaj yuav raug luv li 15 feem pua, tiamsis tsis pub dhau \$15,000.

Cov neeg tsis tau muaj hnuv nyoog thiab ntaub ntawv ua haujlwm uas raug mob yuav tau ob lossis peb npaug ntawm cov nyiaj them ntawd. Nws yog lub chaw haujlwm lub luag haujlwm saib kom zoo tias cov menyuam tuaj ua haujlwm ntawd yeej muaj ntaub ntawv ua haujlwm thiab kom lawv txhob ua haujlwm tsis raws cai.

### Kuv Cov Ntaub Ntawv Yuav Qhib Ntev Licas?

Koj yuav tau xa ntaub ntawv txog koj tus mob mus rau koj lub chaw haujlwm tsis pub dhau ob xyoo mas koj thiaj li muaj feem cuam yuav tau kev pab rau qhov raug mob ntawd. Yog muaj ntaub ntawv sau cia lossis nyiaj them tawm ua ntej ob xyoos dhau ces koj cov ntaub ntawv yuav qhib raws txoj cai ntev li 12 lub xyoos txwm pib rau hnuv koj raug mob lossis hnuv them nyiaj zaum kawg rau koj, nyob ntawm seb hnuv twg yog hnuv los tom qab. Qhov no tseem ceev heev yog tias koj tus mob hloov nyob rau lub sijhawm no. Xws li cov kev mob uas kawj

los ntawm ib yam ua tom chaw haujlwm, xws li lag ntseg, tsaug tes taw, thiab lwm yam li ntawd. Cov muaj raws li no tsis muaj ib lub sijhawm uas yuav xaus rau kev ua ntaub ntawv. Tej yam uas mob loj heev xws li tu ib sab tes, tu caj npab, dig muag, xiam hlwb, losiss raug mob ntawm ib qho lossis tagnro lub duav lossis lub hauv caug uas yuav tau hloov no ces tsis muaj ib lub sijhawm uas xaus rau kev ua ntaub ntawv li. Nws tseem ceeb heev uas koj yuav tsum tau khaws koj cov ntaub ntawv txog zaum koj tau txais daim tshem them nyiaj kawg nkaus rau 12 lub xyos ntawd.

### COV KEV UA RAWS THAUM RAUG MOB TOM HAUJLWM

1. Yog koj raug mob tom chaw haujlwm lossis xav tias kawj tus mob vim ib yam ntawm txoj haujlwm:

- Qhia tus nai haujlwm tamsim ntawd. Yog koj tus mob hloov, koj yuav tsum qhia tus nai haujlwm kom tsis tu ncu.
- Mus nrhiav kev pab thiab kev kho mob.
- Nco ntsoov hais tias yog koj tos ntev no ces yuav cuam tshuam txog koj tus mob thiab txog cov nyiaj pab tibi.

2. Koj lub chaw haujlwm yuav tau xa xov txog tus mob mus rau lub chaw evsaslas (lossis lub chaw ua ntaub ntawv yog tias koj yog tus tuav evsaslas). Lawv yog cov yuav xa ntaub ntawv mus rau qhov chaw pab nyiaj raug mob hu ua Worker's Compensation Division. Koj tus kheej tsis tas yuav ua ntaub ntawv li yog tias koj twb qhia rau chaw haujlwm paub lawm.

3. Cov kev kuaj mob uas tseem ceeb thiab yuav tsum kuaj ces yeej yuav tau kev pab them. Yog koj mus tsis taus haujlwm tshaj peb hnuv vim tus mob, koj yuav tau nyiaj them paj cov hnuv mus khwv tsis taus ntawd. Worker's Compensation yuav muaj kev txhawb rau tseg neeg ntawm tus neeg ua haujlwm yog tias nws ho tag sim neej tom qab raug mob los ntawm chaw haujlwm.

Yog koj tus mob muaj feem cuam tau nyiaj them raws li txoj cai:

- Koj yuav tau txais ib daim tshev los ntawm chaw evsaslas lossis los ntawm koj qhov chaw haujlwm rau tus kheej – uas feem ntau tsis dhau 14 hnuv tom qab koj raug mob. Muaj tej zaug ho yuav siv sijhawm ntev mentsis thiab.
- Muaj lub sijhawm 3-hnuv uas yuav tau tos. Thawj peb hnuv tom qab raug mob yuav tsis tau nyiaj pab. Tsuas tau yog tias koj ho mus tsis taus haujlwm dhau xya hnuv ntawm lub hlis uas raug mob lossis raug mob kho tsis tau li lawm.
- Lwm yam kev pab rau hom mob uas kho tsis tau, xws li yuav tau txias sab tes los sab taw povtseg, yuav tau kev txiav txim dua tom qab koj rov tuaj ua haujlwm lossis tom qab lub sijhawm so dhau lawm tso. (Mus saib nqe hais tais “Cov Nyiaj Pab No Yog Them Licas?” thiab “Muaj Kev Pab Dabtsi Rau Hom Mob Kho Tsis Tau Li Lawm?”).

4. Nws tseem ceeb heev tias koj yuav tsum ua txhua yam kom rov tuaj tau haujlwm sai li sai tau, yog tias kev mob tsis cuam tshuam loj. Koj lub chaw haujlwm nrog rau tus kws kho mob yuav tau pom zoo rau koj rov mus ua tej yam haujlwm; vim li no thiaj tseem ceeb heev tias koj yuav tau tham nrog lawv txog kev rov mus haujlwm. Yog koj yeej rov mus ua tsis tau lawm vim tus mob, yeej muaj lwm txoj kev xaiv rau koj thiab. (Mus saib nqe hais tias "Yog Tias Kuv Rov Mus Ua Tsis Taus Txoj Haujlwm Lawm Ne?").

DWD yog ib lub chaw haujlwm tos txais txhua hom neeg thiab muab kev pab. Yog koj muaj kev mob licas uas nyeem tsis tau daim ntawv no thiab yuav tsum siv lwm txoj kev los to taub cov ntaub ntawv no, lossis yuav tsum tau ib daim uas txhais ua lwm hom lus, thov tiv tauj (608) 266-1340 tham nrog ib tug neeg lossis (866) 265-3142, yog tias lag ntseg TTY.

**WORKER'S COMPENSATION DIVISION  
WISCONSIN DEPARTMENT OF WORKFORCE  
DEVELOPMENT**

Chaw Loj, Ua Ntaub Ntawv:	Chaw nyob Milwaukee:	Chaw nyob Appleton:
201 E. Washington Ave.	State Office Building	Fidelity Bank Bldg.
Room C100	Room 330	Suite 310
P.O. Box 7901	819 N. Sixth St.	1500 N. Casaloma Dr.
Madison, WI 53707	Milwaukee, WI 53203	Appleton, WI 54913-8220
(608) 266-1340	(414) 227-4381	(920) 832-5450

*Phau ntawv no muaj ua lus Hmoob yog hais tias xav tau.*

**WKC-18-H-P (R. 02/2009)**